

泉州府志

卷二十一 册

卷二十一 册

泉州府志卷之五十七

忠義

致身事主何一非忠而古人有言願爲良臣不爲忠
臣良與忠豈有二乎時爲之耳由唐以來泉之懷忠
者獻納之臣甘心鼎鑊封圻之吏遙志干戈彼其見
危授命有毅然而不可奪者卽或善楚餘生鋒鏑殘
喘其初心固自分一死非苟免偷生者所得同日語
也若乃韋布殉國編氓死綏羈旅感故主而翼遺孤
宦寺護嗣君以綿神器忠肝義胆均之不可磨滅則

又不必以貴賤存亡論矣

國家庶政無闕海宇乂安猶訪求死事諸臣屢沛

褒忠之典然則賸言芳踪金石可勒豚魚可格萬古忠
魂不且與簡冊同不敝哉志忠義

唐忠義

周弁泉州人寓天台時論唐詩有清奇雅正入室之語人

皆以爲當後黃巢亂不屈死

採浙江通志

五代忠義

王忠順

董思安

王忠順晉江人初閩王延曦爲朱文進所殺忠順與瞿從
効董思安謀誅文進所署刺史黃紹頗奉建州王延政
爲主後南唐攻建州忠順復與思安率兵赴雞城陷忠
順死之

舊唐書

重思安其先光州固始人從王氏入閩至思安籍晉江天
福七年朱文進弑王延曦自立思安與瞿從効王忠順
以氣義相附遂復王氏開運二年南唐圍建州旣久建
人離心或謂思安盍蚤擇去就思安曰吾世事王氏危
而叛之天下其誰容我人感其言遂無叛者及唐先鋒

使王建封先登城克建州王延政出降思安整衆奔泉

州子興以武功宋進爲太尉上柱國

採綱鑑王
衡隆平集

宋忠義

蘇 軾

曾孝序

趙不慢

諸葛寅

魏國梁

王大壽

陳龍復

趙必學

必辭 必時

鄭 振

楊世永

林仲麟

陳 霖

莊廩邵

曾註

莊思齊

呂七十四

蘇緘字宜甫同安人紳從弟也素負義氣寶元元年進士

初授南海簿委查番船商樊氏升階就坐叱杖之樊訴

于州州責緘緘曰簿雖卑朝廷命吏也杖部民何罪之

有州不能詰再調陽武尉有劇賊李者州縣莫能擒緘

訪得其處率衆入賊巢大索火旁舍以逼之賊從中逸

出緘馳馬斬之送府府尹曹昌朝驚曰儒者迺爾輕生

耶累遷祕書丞知廉州民茅竹爲屋多火災飭易陶瓦

憲吏之貪墨者改知興州儂智高圍廣州緘募士數千人委印於提點刑獄鮑軻夜行赴難廣人有黃師宓者陷賊中爲之謀主緘擒斬其父復捕殺不逞者六十餘人招其誑誤者六千餘人使復業賊勢沮將解去緘分兵先扼其歸路與賊戰大破之奏至仁宗語執政口南事淹時戰將未聞有成效蘇緘廼儒生能奮力如此宜加優獎授供備庫副使充廣南西路兵馬都監遣中使賜朝衣金帶牙笏以寵之賊至邕大將陳曙以失律誅緘亦坐貶房州州同英宗卽位以大臣論薦復供備庫

使知廉州成卒麻醉焚營

民居乘以爲竊緘戮

於市生諸潭州都監未幾知

州熙寧初進加京使廣

東鎮轉知邕州元皇城使交

陷欽廉乘勢逼邕破四

砦緘聞召得羸卒二千餘選士乘舟逆賊斬蠻酋二設

方畧分地拒守請救於桂州沈起劉彝獨遣一將張守

節以怯懦敗外兵無一至者被圍四十二日緘晝夜行

勞士卒疲神臂弓射賊所遺甚衆賊爲雲梯又爲攻濠

洞蒙以革布緘悉焚之蠻計窮將引去而知外援不至

或教賊登土傳賊頃刻而數丈蟻附而登城遂陷緘猶

領傷卒踴躍戰愈厲而力不敵歿曰吾義不死賊手亟
還州治殺其家二十六人燬于坎廼縱火自焚賊至求
其尸不獲城中吏民被屠者五萬餘人隕三州城以填
江初緘憤沈起劉興敘寇父不救患欲上疏論之屬道
梗不通廼榜其罪于市冀朝廷得聞焉神宗聞緘死嗟
悼至時方進膳歎曰可惜蘇緘近世忠義之臣罕見
其比贈奉國軍節度使諡忠勇賜都城甲第上腴田十
頃聽其家自擇以子元爲闔門祇候召對便殿諭之曰
邕州賴卿父守禦桂象皆得保全昔張巡許遠以睢陽

蔽捍江淮較之卿父不能過也改元爲殷中丞通判邕
州子孫與緘同死者皆褒贈起與彝坐謫官後交人謀
寇桂州行數舍見大兵從北來呼曰蘇皇城領兵來報
怨懼而引歸邕人祠之元祐中賜額懷忠

舊志參宋史
開書廣東廣

西通志南
海縣志

曾孝序字逢原晉江人公亮從子以蔭補官監泰州海安
鹽倉因家泰州崇寧中以顯諱闕待制察訪湖北邊事
還見蔡京語及講義司事曰天下之財貴乎通流取民
膏血以聚京師非太平法又論明堂辟雍事曰相公命

講筵不得進讀漢史欲舉明主於三代之隆今迺循王莽已行之法耶京勃然曰京所行無一毫是乎有意擠之後命爲環慶路經畧安撫使孝序將行見帝曰臣與蔡京論事不合今當帥事身外孤遠不知所稅駕矣既至環慶京下結糴依糴之法盡括民財充數孝序曰民力殫矣歷疏其弊京益怒遣御史宋聖寵劾之詣鄜州追逮其家人鍛鍊無所得佯言與鍾傳不約日出師幾誤軍期削籍竄嶺表遇赦量移永州京罷相授顯謨閣待制知潭州以論徭事與吳居厚不合落職知袁州尋

復職再知潭州道州獨被孝序在道驍銳卒人兵之
進顯謨閣直學士遷龍圖閣直學士知青州學政總卒
儲峙金穀有數年之備金人不敢犯高宗卽位遷延康
殿學士召赴行在青州民詣南都借畱許之會臨朐土
兵趙晟等聚衆爲亂孝序付將官王定兵千人捕之失
利而歸孝序責以力戰自贖定知不免趙以言撼敗卒
斬關而入孝序出生廳事瞋目罵之遂與其子宣教郎
計皆遇害年七十有九事聞贈光祿大夫諡忠愍計贈

承議郎

舊志公案史一
書山東通志

趙不慢字子厘晉江人授率府率交範魁岸進退有度孝
宗曰爲宗室魁表嘗副諸葛廷瑞使金爭禮服不屈還
遷榮州刺史嘉泰辛酉京城災逼其居不顧取與兄弟
奔衛太廟火幾半都城而所居獨免進眉州防禦使奉
祠卒不慢能詩尤長樂府和古今梅詞千首

舊志

諸葛寅晉江人直清孫璋子嘉定十六年進士景炎丁丑
蒲壽庚拒命陷城寅首倡義開北門以應張世傑之師
不濟爲壽庚所殺年六十九子三人及弟姪曰坤曰應

老曰震曰甲孫葵孫仲孫俱被害

諸葛世
錄備考

魏國梁字君用晉江人紹定二年進士爲廣州推官陳三
鎗寇河源國梁以帥檄挺身諭降還道斃事聞加贈典
官其後一人

舊志參閩書
廣東通志

王大壽晉江人爲左翼隊將紹定五年海寇王子清犯圍
頭郡守真德秀遣大壽領卒百人防遏猝與賊遇奮前
控弦斃賊十餘人後無援遂沒從死者五人然賊亦奪
氣官兵乘進遂有沙湖之捷俘獲賊首林添二等剖心

以祭事聞贈官恤其家

舊志參
宋史

陳復字本叔晉江人

閩書廣東通志南安志俱載南安人

寶祐四年與文

天祥同登進士歷仕州縣以清儉聞德祐初家居天祥
聞督南劍辟爲督府叅議兼行大府少卿福建提刑以
持重老成見推幕府尋分司潮陽號召豪傑積糧治兵
天祥親得入潮爲討賊計及移屯海豐從至五坡爲元
兵所襲死焉龍復沈厚樸茂有前輩風卒年七十有三

舊志叅閱書廣
東通志南安志

趙必魯字伯暉晉江人太宗十世孫補承務郎悵望中原
懷古賦詩慨然有祖述之志從益王至永嘉轉承議郎

貳趙吉甫南外宗正益王卽位福州泉招撫使蒲壽庚

叛與州司馬田真子謀降元必學逃薺竈村真子遣兵
勒還草降表必學持匕首自刺吉甫抱哭曰我愧死萬
萬不能復見子矣張世傑回兵圍城壽庚盡殺宗室縛
必學將斬之錄曹參軍吳伯厚計出之後遂居泉之東
陵日與漁樵方外士班荆燕坐不復問人閒事諸生請
講解經傳疊疊不倦尤長於典禮以壽卒有茹芝東陵
等集傳于世宗室又有必辭者福州長樂縣主簿宋亡
不仕易名文孫不接流俗專以訓誨爲事又有必暉亦
宗室與傅定保爲友其文章議論淵懿浩溥爲閩南碩

儒舊志

鄭振安溪人

宋史作
儒遊人

建炎中楊勅寇縣振率鄉兵破走之

紹興十三年羣盜四起曾少龍周老虎何白旗陳大刀

詹鐵叉等擁衆數萬寇掠郡邑帥司檄振邀擊之賊遁

去十六年詹鐵叉復來寇勢甚銳振率衆與敵手殺數

十人力不支死之鄉人立廟祀振扁曰忠勇孫巖登淳

熙戊戌進士官集賢院副使

舊志參宋
史安溪志

物世永晉江人嘗割股愈母紹興五年以特奏名爲端溪

尉寇駱科犯郡境世永貫褚鎧佩兩刃跨羸馬獨出伍